

اتقوا الشبهات

أحمد سمير

السلام عليكم ورحمة الله وبركاته بسم الله الحمد لله والصلوة والسلام على رسول الله وعلى آله وصحبه ومن والاه اشهد ان لا اله الا الله وحده لا شريك له واهشهد ان محمدا عبده ورسوله. اللهم صل على سيدنا - 00:00:01

بيته كما صليت على الابراهيم انك حميد مجید اما بعد آآ ما زلنا مع آآ هذه السلسلة المباركة قواعد في طريقك الى الله عز وجل او قواعد السير الى الله عز وجل - 00:00:18

النهاية هنتكلم عن حديث وهو الحديث الثالث من جملة ثلاثة احاديث عليها مدار هذا الدين كنا قلنا قبل كده ان الامام احمد آآ احمد ابن حنبل قال مدار هذا الدين على ثلاثة احاديث حديث عمر انما الاعمال بالنيات وحديث عائشة - 00:00:38

من عمل عملا ليس عليه امرنا فهو رد وحديث ثالث وهو ده موضوع النهاية حديث النعمان ابن بشير ان النبي صلى الله عليه وسلم قال ان الحال بين وان الحرام بين وبينه امور وبينهما امور المشبهات - 00:01:03

لا يعلمهم كثير من الناس فمن اتقى الشبهات فقد استبرأ لدینه وعرضه ومن وقع في الشبهات وقع في الحرام يرعى حول الحمى يوشك ان يرتع في الا ان لكل ملك حمى - 00:01:16

اا وان حمى الله محارمه. الا ان في الجسد مضفة اذا صلحت صلح الجسد كله واذا فسدة فسد الجسد كله الا وهي القلب حديث عظيم الشأن وفيه فوائد كثيرة جدا يعني صعب جدا نقف على كل فوائد الحديث في الدقائق القليلة اللي بنقعدها مع بعض. فخلونا نبتدى - 00:01:30

آآ نذكر طرفا من فوائد هذا الحديث النبي عليه الصلاة والسلام بيقول ان الحال بين وان الحرام بين وبينهم امور مشبهات لا يعلمهم كثير من الناس آآ يعني ايه؟ يعني الحال واضح ظاهر ومعرف للناس. والحرام كذلك - 00:01:53

يعني الدين كله حال ظاهر وحرام ظاهر؟ لا الدين مش كله كده الدين فيه امور يا جماعة مشتبهه يعني ايه مشتبهه؟ يعني ما بتتقاشحال يعني مش ما بتتقاشحال ولا ما بتتقاش واضحة هي حال ولا حرام؟ هي في نفس الامر - 00:02:11

الحق عند الله عز وجل ان هي اما حال واما حرام الحاجة دي ما تنفعش تبقى في نفس الوقت حال وحرام وما تنفعش تبقى في نفس الوقت آآ واجب ومكره يعني ما ينفعش يجتمعوا في نفس - 00:02:30

وقت يعني ما ينفعش يبقى نفس العين آآ موصوفة بحكمين مختلفين. لا امال ايه معنى انها مشتبهه مشتبهه يعني مش واضح حكمها طيب مش واضح حكمها للناس كلها؟ يعني المسلمين كلهم يبقى بالنسبة لهم بالنسبة لهم الحاجة دي - 00:02:43 مشتبهه؟ لا. النبي صلى الله عليه وسلم قال وبينهم امور مشبهات لا يعلمهم كثير من الناس يبقى معنى كده ان في قليل يعرفه يعلموا ان الحاجة دي هي حال ولا حرام - 00:03:02

واجب ولا مستحب ولا مكره ولا حرام ولا عارفين مين هم القليل دول؟ الراسخون في العلم. هنيجي الكلمة دي تاني. بس يلا نرجع بقى يبقى عندنا الدين يا جماعة حال بين حرام بين وبينه امور مشبهات. طيب اول سؤال يتبارد للذهن - 00:03:16

ليه ربنا سبحانه وتعالى خلى في امور مشبهات سؤال قد يتبارد للذهن طب طالما الدين فيه حال بين وحرام بين؟ يعني لو سألت اي حد دلوقتي هو الربا ايه؟ ما فيش اتنين هيختلفوا يقول لك الربا حرام - 00:03:34

الصلوة ايه؟ ما فيش اتنين يختلفوا يقول لك الصلاة فرض صح ولا طيب ليه مش كل الدين كده وكان ربنا سبحانه وتعالى قادر انه يعمل ده انا قادر ان يخليل الدين كله حال بين وحرام بين - 00:03:51

اول حاجة واجبات الدين لا يختلف عليها اثنان ومحرمات الدين لا يختلف عليها اثنان. وكذلك المكرهات والمستحبات والمباحات
خلاص ولو وقفت اي حد في الشارع تقول لؤي بقى مسألة من المسائل الشائكة اللي الناس متلعبة فيها دي - 00:04:09
كان ربنا قادر سبحانه وتعالى بانك لو وقفت اي واحد في الشارع وتقول له هي حكمها ايه؟ يقول لك اه كذا. ويبقى الناس كلها في
في علمها بامور الدين واحد وسواء. كان ربنا قادر انه يعمل ده - 00:04:26

سبحانه وتعالى ليه ما عملش ده ما علشان يا جماعة احنا للأسف في حنة كده فاهميها غير ما العلماء والسلف فهموها وهي
حنة اني اختلاف العلماء بعض الناس تلاقوا واما اقول بعض الناس اقصد بعض المتتصرين للدعوة او كذا - 00:04:36
آآ عاززين يحملوا الناس كلها على قول واحد وده حتى السلف ما فهموش ده يعني ايه؟ يعني المسألة الفلانية الحكم فيها كذا وبيتدى
بقي يعمل ده المتتصدر ويربيه في اتباعه سواء بالقول او حتى باحواله. فتلاقي كده جيل طالع بالمنظر - 00:05:03
اللي انا هقول لكم عليه ده منظر ايه اني الحكم في المسألة الفلانية كذا قولا واحدا وننكر على اي حد يعمل غير كده وننتقص من دينه
والسلف ما فهموش ما فهموا الدين كده اصلا. ولما نفهم بقى فهم السلف هنعرف ليه ربنا عمل كده. وليه الدين فيه الحنة دي؟ في
الحنة المشتبهة دي - 00:05:25

ليه الدين فيه الحنة دي اصلا كيف كان يرى السلف الاختلاف الواقع في الفروع. الفروع يعني ايه احكام الفقهية؟ الحلال والحرام. آآ
واجب ولا مستحب؟ هو واجب ولا مكره؟ هو واجب ولا حرام؟ هو مكره ولا مباح - 00:05:49
الحنة دي الاختلاف فيها كان السلف شاييفنه ازاى هنذكر لكم بعض الآثار وده يعني ايه زي ما بيقولوا كده كتير اسارت كثيرة جدا عن
السلف في المعنى ده اسحاق ابن بهلول ده كان من آآ اصحاب الامام احمد. احمد ابن حنبل وهو امام احمد بقول لكم عن ابن حنبل ده
يعني - 00:06:05

ده حاجة مش سهلة ده حد كده فز في الحديث وفي الفقه وفي الزهد كان ايمان في كل حاجة يعني لدرجة ان سموه ايه امام واهل
السنة خلاص اصحابنا بيقولوا اسحاق وابن بهلول كان من اصحاب الامام احمد. فصنف كتابا في الاختلاف - 00:06:23
وسماه كتاب الاختلاف اخلاق العلماء. صنف كتاب فيه وسماه كتاب الاختلاف. فقال احمد سمه كتاب السعة شفتم فقه الامام احمد
يرى اختلاف العلماء سعى لهذه الامة بيوسع الدنيا. ازاى هنعرف كمان شوية - 00:06:41

ابن قدامة ابن قدامة من اجل فقهاء المذهب الحنبلي خلاص علي بقى ابن القدامى قال كلام كتير منه قال كان في المقدمة يعني
بيتكلم في كلام قال وجعل في سلف هذه الامة ائمة من الاعلام - 00:07:04
اتفاقهم حجة قاطعة واختلافهم رحمة واسعة يا جماعة الاختلاف في الفروع الاختلاف في المسائل الفقهية رحمة في هذه
الامة ارادها الله عز وجل بهذه الامة خلاص الشيخ مرعي الحنبلي احد مشايخ المذهب - 00:07:21
قال ان اختلاف المذاهب في هذه الامة رحمة كبيرة. وفضيلة عظيمة وتوسيع في هذه الشريعة السمحنة يا جماعة فهم العلماء لمسألة
الاختلاف شيخ كل سنة وانتم طيبين. يقول الحق في نفس الامر واحد. يعني ما ينفعش بحاجة هتبقى عند ربنا حلال وحرام في
نفس الوقت - 00:07:43

يعني هي ايه حلال يا حرام لكن ربنا ممكن بحكمته يخفى حكمها. ما ييقاش حكم واضح كده زي الحلال باین والحرام باین. لأن يخفى
حكمها ويحصل فيها الاختلاف لكن في الآخر حلال يا حرام طيبشيخ الاسلام بيقول الحق في نفس الامر واحد - 00:08:04
وقد يكون من رحمة الله ببعض الناس خفاوه بيقى خفي مش معروف حلال ولا حرام قطعا قولا واحدا مش معروف لما في ظهوره
من الشدة عليه ان الحكم ده لو ظهر - 00:08:21

مش هيسمع الناس كلها ان تعمل بالحكم ده في جميع العصور في جميع الاماكن هيبيقى في بعض الاوقات في شدة في الзам كل
المسلمين بالقول ده قال بكر ابو زيد رحمه الله من يدعوا يا جماعة ركزوا بقى في كلمة بكر وجوز لانه اولا طبعا هو عالم جليل لكنه
من المحدثين - 00:08:38
آآ فكلمته برضو لها وزن في ابطال هذه البدعة المحدثة اللي هو ان بعض الناس طالعة عائزة تحمل كل الناس على قول واحد وتسفة

خلاف هذا القول وتذكر على من يتبع خلاف قولهم - 00:08:59

وده شطط وبدعة احنا ما عرفنا ذلك في السلف ما هي بدعة اصلا. يعني واضح انا يعني مش حابب ادخل في مسائل يعني لكن شائكة وهي ما كانت شائكة الحقيقة - 00:09:16

نحن جعلناها هكذا احنا اللي خليناها شائكة دقيق بضيق افهاما تجد مسلا واحدة منتبقة واحدة تانية لابسة حجاب شرعى آآ بكل بساط شرعى لكن مش منطقى مش لابسة نقاب لابسة حجاب شرعى - 00:09:32

بنغطي البدن كله وساتر وما لهم لا يبيشف ولا يعني الحاجات الشرعية اللي في الحجاب فتنكر عليها طب ليه يعني ليه بتنكري عليها؟ اهي دي بقى ايه صورة منصور اللي احنا اللي احنا بنقول فيه دلوقتي ده. اللي هو - 00:09:51

احنا عاززين نخلي الناس كلها ماشية على قول واحد مسلا او آآ واحد واحد بوجوب صلاة الجمعة في المسجد مسلا واحد تاني واحد باستحباب الصلوة فاحيانا لا لا يؤديها مسلا - 00:10:12

ده يا جماعة فينكر عليه مثلا هذا ينكر عليه انكار من ايه؟ يرى انه فعل اثما. مين ليه يعني هو حضرتك ليه جعلت نفسك حاكما على الدين ليه زعلت نفسك يعني فيصلا بين اقوال اهل العلم ليه؟ حضرتك مين يعني؟ تطلع مين في هذه الامة - 00:10:29

امة الاسلام تطلع مين وسط الفقهاء الكبار العظام اللي ظلوا مختلفين وماتوا هم مختلفين وآآ درست بعد كده مزاهبهم باختلافات فمين حضرتك اللي جاي بعد الف وربعمية سنة عشان بقى تحسم الخلاف بين احمد والشافعى وابو حنيفة ومالك. مين حضرتك - 00:10:51

ولا مين حضرتك؟ يعني ده بداية كده فيه نوع تزكية نفس وانت منهي عن ذلك فلا تزكوا انفسكم هو اعلم من التقى. انت شئت ام ابیت. ده فيه نوع تزكية يعني ايه؟ كانى انا بقى اللي جاي لكم بالحاجة اللي احمد والشافعى والشافعى وابو حنيفة ومالك - 00:11:11

في وشي ايه يطلعوا فيها بقول واحد انا جاي افصل بينهم بقى العبد لله هو اللي ايه؟ اللي جاي ده ليه يعني؟ اول حاجة تاني حاجة انت اصلا ما فهمتش حكمة ربنا - 00:11:31

من ايجاد الخلاف اصلا اهو يا جماعة شوف الشیخ بكر ابو زيد بده يقول ايه قال من يدعو الى جمع الناس على رأي واحد او مذهب واحد في كل ما جاز فيه الخلاف؟ فقد رام الشطط ونفق - 00:11:48

في غير ضل وتحجر وتحجر رحمة الله وهي اوسع يا سلام على فهم الایه السلف للمسألة وحتى المحدثين اللي اللي ماشيين على نهج السلف وتحجر رحمة الله وهي وهي اوسع - 00:12:04

يبقى ابتدينا دلوقتي الدنيا تنور قدامنا. هو ليه في في متشابهات ليه؟ ما تبقى الدنيا حلال وحرام بين ايوة يا جماعة القول ده يعني شوفوا يا جماعة وعمر بن عبدالعزيز كان له كلام جميل انا كل الاسار دى لكن ما فيش وقت اني اسيب لكم الاسار كلها لكن - 00:12:26

حتى هنزل لكم منها كتير بعد كده على قناة التليجرام واحطه لكم ان شاء الله. ازاى عمر عبدالعزيز حتى فهم ان اختلاف الصحابة قال ارماك عمر العزيز له كلام فيما معناه يعني؟ ما يسرني ان الصحابة انتوا - 00:12:45

تخيلوا عمر عزيز بيقول انا انا ما كنتش هتبسط لو كانوا الصحابة اتفقوا ايه ده ليه بدل ما احنا مختلفين قال لان اختلافهم بعد كده بيجي واحد يأخذ هذا بقول وهذا بقول - 00:12:55

وده في ساعة على الامة يا جماعة الاقوال اللي تتفق ناس معينة في اماكن معينة في ازمنة معينة قد نفس الاقوال دي تكون فيها ضيق وحرج شديد جدا على ناس تانية في اماكن تانية في ازمنة تانية - 00:13:09

واضح الكلام ببقي فيه اختلاف من الفقهاء وتتجدد الاختلاف ده طبعا احنا هنا مش بنأكل كيفية التعامل مع الخلاف. خلي بالكم لان طب انا انا كواحد عمي بقى انا انا يا عم لا بتعال فقه ولا بتعال - 00:13:28

ولا انا اعمل ايه دلوقتي؟ يعني لما العلماء يختلفوا ده مش قضيتى ولا جاي اتكلم فيها. ودى قضية كبيرة جدا. وبدرس في الكتب.

احنا عندنا باب كده اسمه باب الایه ؟ الفتوى . وفيه باب فيه باب في اصول الفقه - [00:13:43](#)

الایه ؟ المفتى والمستفتى شباب يدرس اصول الفقه في الباب ده يدرس من حيثية معينة كتب الاداب فيها الباب ده ادب المفتى واداب المستفتى وده بيدرس من حيثية تانية خلاص لكن ده مش وقته مش هيتفع اسرد كل ده - [00:13:58](#)

انما المعنى اللي احنا جايين نتكلم فيه حديث النبي عليه الصلاة والسلام ان الحال بينه وبين الحرام وبينه وبينه امور مشتبهات . لأن اول سؤال هييجي بالذين قبل ما ندخل في الحديث . هو ليه في امور مشتبهات يا رب - [00:14:23](#)

ليه في امور مشتبهات باول معنى ان لأ ما تفتقربش امور المشتبهات دي في ذاتها في كونها مشتبهة يعني ده شهر لأن لا تحسبوه شرا لكم بل هو خير لكم - [00:14:33](#)

خير وفي سعة على الامة ده اول معنى . المعنى الثاني ان ربنا بحكمته جعل هذه المشتبهات عشان الناس هتختلف في تعاطيها مع المشتبهات دي يعني خلاص وصلت ان الحلة دي بالنسبة لي فيها ليس . هعمل ايه ؟ فهتلaci واحد استبرا - [00:14:44](#)

لدينه وعرضه ودي الالاظف اللي جاية بقى في الحديث واحد تاني يقترب المشتبه مش فارقة معه يبقى ده اختبار لك . الله عز وجل ابتلانا بوجود هذه المشتبهات عشان يختبر تعاطينا لهذه المشتبهات . هتعامل معها ازاى - [00:15:06](#)

وده للي يهمنا بقى في الحديث . هييجي له بقى دلوقتي لكن فاهمني الاول يا جماعة ده اول سؤال ان الحال بين وان الحرام بين وبينه امور مشتبهات طيب المشتبهات دي ليه ؟ ليه بقى في مشتبهات في الدين بقى ؟ مش ليه ؟ يعني ايه الحكمة - [00:15:27](#)

ليه يعني ليه الصلاة واضحة او ليه كلنا وليه الربا واضح لنا قوي كلنا وليه في حاجات مش واضحة لنا قوي كلنا او للعلماء سبكم مننا احنا يعني . احنا بنتكلم عن العلماء - [00:15:42](#)

يعني ليه العلماء اختلفوا اصلا ايه اسباب اختلافهم ؟ اسباب كتير جدا لكن في الآخر بترجع حاجة من اتنين حاجة بيسموها تخرير المناط وحاجة بيسموها تحقيق المناط . ايه الكلام الكبير ده - [00:15:54](#)

افهمها لكم بسرعة تخرير المناط يعني الاصل الذي يستدلون به فتلaci مسلا حديث قاله النبي عليه الصلاة والسلام . بلغ بعض العلماء ولم يبلغ البعض . فاللي بلغهم الحديث قالوا بالحديث واللي ما بلغهمش الحديث لم يعملوه لانه ما عرفوش الحديث ده - [00:16:05](#)

شاييفين بقى هنا العلماء فالافهمات هتختلف . طيب لأن ده الحديث بلغ الطائفتين لكن طائفة منهم من العلماء رأوه صحيحا يحتاج بمثله والتانيين شاييفين ضعيف لا يحتاج بمثله شفتم فهيبتدى الحكم يختلف . ففي طائفة هتسقط هذا الحديث رأسا يقولوا ده حديث ضعيف لا يحتاج بمثله يعني مش اي ضعيف - [00:16:27](#)

وناس قالت لأن ده حديث صحيح ونحتاج به واضح ؟ طيب لأن ده الحديث او الایة وصلت للطائفتين لكن دول فهموها بشكل ودول فهموها بشكل والفهم بتاع العلماء فهم مبني على اصول وقواعد يعني مش فهموها يعني مش بمزاجهم كده يا جماعة - [00:16:53](#)
لأ وانا انا من اكتر الكلمات اللي بتترفظني وعن القربيين مني عارفين ده لما يجي حد يقول اه مثلا قال الحنبلة كذا ولا دليل عندهم او ولا دليل لهم او الشافعية او المالكية يعني ما اقصدش الحنبلة بالذات يعني - [00:17:13](#)

دي الكلمة دى يعني بتتجنني ما بتخليلها على بعض كده ليه بقى يا جماعة الكلمة دى فيها سوء ادب وفيها من تعالي وتزكية للنفس سبيكوا من المعاني بقى اللي ايه اللي اصلا الافات المنتشرة في جيلنا . لكن فيها معنى تاني خطير جدا - [00:17:33](#)
عارفين ايه هو ؟ الكلمة دى هدم الدين الاسلام ايه يا عم بس ليه يعني انت مكبر الموارب ليه ؟ لأن هي الموارب كبيرة عارفين ليه عارفين يا جماعة اما اجي اقول لكم - [00:17:51](#)

الحنبلة او الشافعية دول احنا مش بنتكلم فيبني آدم . احنا بنتكلم في طائفة من العلماء واهل الدين اللي حملوا لنا اقوال فقهية آآ تتوارثها الاجيال ماشي لما اجي اقول لك بقى - [00:18:04](#)

ويبقى ده ديدني كل درس هقدر معاكموا دلوقتي انا ايه عاوز ابين ان انا الایه الفخم الضخم اللي مفيش حد زيه فهقول بقى كلام من الفخم الحلو ده اللي ايه اللي الناس بتتحبه - [00:18:22](#)

بتسفه للي بيقوله قال فلان كذا ولا دليل عنده. الله يا عم الشیخ ده ايه الجمال ده! ده انت عرفت اللي ما حدش عرفه طب تعالوا كده
واحدة واحدة بقى - 00:18:32

لما الكلام ده يتكرر كتير وتجروا الناس عليه. والناس تبتدئ تسمع عادي خالص بقت الناس بتسمع يعني انا على فكرة وانا بقول الكلمة
دي يمكن بعضكم من كتر ما بيسمعها فشایفة عادیه وشايف - 00:18:45

ان انا اللي يعني ايه ببالغ كتير دلوقتي بقى ايه قاعد ايه مستبني انا هقول ايه يعني آآ فين هدم الدين صح عارفين ليه يا جماعة؟ لأن
احنا اتعودنا على الكلام ده. طب خلص بقى عازين ايه؟ هدم. فين هدم الدين - 00:18:55

لما الناس تعتاد على ده وتسمع ده كتير وتتناقل ده ايه اللي هيندفع في ذهنك؟ ان عادي خالص الحنابلة دول او احمد ابن حنبل ده
الشافعية دول او الامام الشافعي ده - 00:19:10

ده ممكن يقول حاجة من غير دليل. عارفين ايه من غير دليل يعني انا متخييل كده يعني ايه احنا نتحمل اقول حاجة من غير دليل
يعني احمد ابو محمد اللي كان قاعد على القهوة - 00:19:22

آآ بيشرب كوبية شاي مسلا فعدى عليه واحد قال له بقول لك ايه يا امام هو حكم كذا ايه؟ راح واحد له بوق آآ شاي مسلا من اللي
بيشربه ده - 00:19:30

وقال له حرام. ما هو ده دي الصورة يا جماعة الناس دول اتقى واورع. واعرف بالله عز وجل من ان يقولوا قولنا بغير دليل انت مش
يعني اللي بيقولوا دول مش فاهمين اصلا الناس دول كانوا عايشين ازاي. ولا فاهمين ديانتهم وصيانتهم للعلم واحوالهم مع ربنا -
00:19:38

كان شكلها ايه مش فاهمين يا جماعة انا هقول لكم ثانية عشان ده مش موضوعنا لكن انا معلش انا كل ما باجي الحنة دي لازم اتحمل
يعني. فاعذروني الشافعي ده اللي انت مش ممكن واحد يقول لك الشافعية قال كذا ولا دليل عنده - 00:20:00

الشافعي ده كان احنا بمناسبة رمضان يعني اللي جاي فانا هقول لكم يعني حال الشافعي ده كان شكله ايه. كان له في رمضان ستين
ختمة في غير الصلاة دخلوا مع ربنا سبحانه وتعالى. انا ما بتكلمش في علمه وفقهه. فقهه وعلمه ده انا مش انا اللي يعني مش هتكلم
فيه اصلا. لما يكون واحد من اربعة في الامة - 00:20:16

لمذهب متبوع فانا مش انا اللي هتكلم في فقه الشافعية يعني. وانا مش جاي اقول لكم النهارة الشافعية ده فقير يا جماعة. يعني لكن
باقول لكم شف دينه بقى عامل ازاي وواحد زي ده - 00:20:35

زي ده زي الشافعي ده. اللي بيجي يدخل رمضان عليه يختتم ستين ختمة في غير الصلاة. كل يوم بليلة لختمتين بعد ما يخلص
رمضان يطلع يفترى على الله عز وجل - 00:20:48

فين عقولكم اليوم احد ابن حنبل عادي خالص تقول احمد مش عارف ايه قعد حبل يا جماعة ما كانش بيقول حلال وحرام تعرفوا كده
اللي بيدرس في المذهب فاهم ده كويسي. وان احمد اكتر جواباته يعجبني. لا يعجبني. اكره ذلك - 00:21:00

من كثروه الايمان انه يكون حلال وحرام يا الله يا جماعة انت يا جماعة فاهمين انت بنتكلموا عن مين وفاهمين بقى الاسوء
انك مش بتقول احمد والشافعي لا ده انت بتقول الحنابلة - 00:21:20

قالوا كذا. الشافعية قالوا كذا ولا دليل على يا سلام يا سلام الحنابلة يعني بداية كده من امامهم الامام احمد وانزل بقى للمرداوي وانزل
لابن قدامة وابن مفلح الحنابلة بقى الحنابلة - 00:21:36

لا دليل عندهم وحضرتك اللي جبت التايهة يعني انا مش انا والله ما فاهم. يقول لك لأ ما اصل احنا الوسائل الحديثة ساعدتنا وانت
بضغطة دي الوسائل الحديثة دي يعني اديتك الم في نفسك حضرتك - 00:21:54

البطاقة زرار تجيب اللي ما جابوش حد. لأ انت مش فاهم حاجة انت مش فاهم حاجة ولا فاهم دين ولا فاهم انت ايه اللي فايتك انت
والوسائل الحديثة بتعاتك دي - 00:22:12

يا جماعة احمد ابن حنبل عن حبل كان يحفظه الف الف حديث مليون حديث الحديث ده هم يعني في تفاصيل يعني مش مليون

حاديٍت مرفوعة ولا كل لا هم كانوا يعتبروا السنن لو اختلف يبقى ده آآ يعني آآ يبعده حديث آخر - 22:22:00

السميات مش عاوز ادخل برضو في القصة دي. آلاسار الموقوفة يعني حاجات كتير كده. المهم ده كان حصيلة احمد وابو زرعة والناس دي كانوا دي حصيلتهم الحديثية. هات لي حضرتك اكير موسوعة حديثية - 00:22:40

على النت قل لي كم حديث لأ الناس دي عرفت اكتر من اللي انت ووساء لك الحديث عارفاه خلاص والناس دي فهمت اللي حضرتك
وسائل الحديثة ما فهمتوش ولا هتفهمه - 00:22:58

والله عز وجل حفظ لنا هذا الدين بامثال هؤلاء مش عشان يجي واحد زي حضرتك ولا واحدة زي حضرتك بالungehie وغطروسة تيجي
تقول آلا دليل لا دليل عنهاانا عارف يا جماعة ان الكلام ده بيستهوي الناس يعني ايه؟ وزي ما بقول لكم كده. بيحسسك ان اللي قاعد
قدامك ده حد ما جايبتوش ولادة. لكن ده مش الدين - 00:23:17

ده مش دينا طيب يبقى ان الحال بين وان الحرام بينه وبينه امور مشتبهات في المشتبهات. احنا اتكلمنا عن الحكم. حكمة وجود المشتبهات في الدين. لكن ليه موجودة اول حاجة قلنا بقى حاجات منها الحديث يوصل طائفه وما يوصلش الطائفة الثانية. حديث 00:23:38 - يصححه

ما تصحوش الطائفة الثانية. الاية والحديث وصلوا لكن الافهام اختلفت في فهم الاية وال الحديث. كل ده بيسموه ايه؟ بيسموه تخريج
المناط احنا كنا لسه بنتكلم في الايه في الحديث في في الاصل اللي هنبني عليه الحكم - 00:23:58

انا وانت حضرتك ما تدخلش اصلا على الاحاديث والایات وتعمل فيها عقلك وتقول انا هاخد من الكتاب والسنة مرة واحدة كده خط لزه، انت لا انت فاهم لغة ولا فاهم اصواتا - 00:24:21

ولا فاهم مصطلح ولا فاهم حاجة اللي بها تدخل تاخد من كتاب السنة ما تضحكش على نفسك. وما تخليش حد يضحك عليك من الكلام اللي بيستهويكم يا جماعة ما تخليش حد يضحك عليك بكلام هيستهويك وهتللاقي شكله جميل - 00:24:33

لكن في الآخر ده مش الدين. ده اي حاجه غير الدين عير ديننا طيب كل ده بقى هنسميه تحرير مناطق. في حاجه تايه بقى اسمها ايده؟ تحقيق المناطق. ايده تحقيق المناطق ده؟ خلاص بقى احنا سلمنا خلاص. اانا وانت اانا وانت يعني كعلما يعني. اانا مش عالم يعني اانا بتتكلم - 00:24:51

لـو اـنـا وـانـتـ عـلـاـ فـجـيـنـا يـلاـ تـعـالـ يـاـ سـيـادـهـ الـعـالـمـ وـاـنـاـ عـالـمـ اـهـوـ قـعـدـنـاـ الـحـدـيـثـ دـهـ اـيـهـ؟ـ اـنـاـ شـائـفـهـ صـحـيـحـ وـاـنـتـ بـعـدـ الـابـحـاـسـ اـهـ اـنـاـ كـمـانـ
شـائـفـهـ صـحـيـحـ طـيـبـ الـحـدـيـثـ دـهـ اـنـاـ مـشـ شـائـفـ لـهـ مـعـارـضـ فـيـ بـقـيـةـ الـاـدـلـةـ وـاـنـتـ يـقـعـدـ بـيـصـ اـهـ لـاـ مـشـ شـائـفـ الـمـعـارـضـ طـبـ الـحـدـيـثـ
دـهـ بـيـدـ عـلـىـ - 00:25:08

الحكم الفلاي ۱۰ اه انا شايفه كان بيدل الحكم الفلاي. خلاص؟ كل ده تخريج مناط طيب هو المسألة ايه اصلا عشان ما تدوبيش ؟ ده واحد جاي بيسألنا. يا جماعة هو انا اعمل دولة لأ ده حلال ولا حرام؟ - 00:25:23

او باجي اانا ايه بقى ؟ اقول الحديث ده بيدل على حرمة دي. يقوم هو يقول لك لا اانا مش شايف الحديث اصلا له علاقة بالمسألة دي
اصلا فاهمين يعني مش عاوز ادخل في مسائل لكن آآ مسلا نيجي حديث عن التورق مش مهم التورق - 00:25:35
اما حديث علامة صالح الموسوي الاف ثالث مش مهم ايه المقصود مش قبة تلانا مانعه جتنفة اهم الحديث 00:25:40

يعمل به ولا سبق وجميل. لكن الصورة دي اللي جاي فلان ده يسألني عليها دي سبق اصلا - 00:25:52
هي دي مسألة التورق اللي منهي عنها في الحديث ها فهمتم نختلف هنا فده يسموه ايه بقى؟ تحقيق المناط العلماء يختلفوا فتخرج
لنا المشتبهات ايه اللي في الحديث؟ فهمتم ده كده؟ ده باختصار - 00:26:05

ارجو الا يكون مخلا يعني فهمنا شوية يعني ايه مشتبهات وليه وجود المشتبهات من حيث يعني اسباب الوجود وليه وجودها من حيث حكمه سبحانه وتعالى في وجودها طيب المشتبهات دي - 00:26:24

لا يعلمهم كثير من الناس. يبقى اكتر الخلق ما يعرفوهاش. امال بيقى ايه؟ يعلمهم قليل من الناس اللي هم العلماء الراسخون في العلم
وهنا يا جماعة يزهـر فـاـيـدـة وجود العـلـمـاء في الـاـمـة - [00:26:39](#)

وفـاـيـدـة الرـجـوـعـ الى اـهـلـ الـعـلـمـ الرـاسـخـينـ. ليـهـ ؟ عـشـانـ الـامـورـ دـيـ هـمـ دـوـلـ الليـ يـعـرـفـوـهـاـ فـالـابـدـ منـ الرـجـوـعـ لـلـيـ يـعـرـفـ يـعـلـمـونـ كـثـيرـ منـ
الـنـاسـ الشـبـهـاتـ فـقـدـ اـسـتـبـرـأـ لـدـيـنـهـ وـعـرـضـهـ وـمـنـ وـقـعـ فـيـ الشـبـهـاتـ وـقـعـ فـيـ الحـرـامـ كـالـرـاعـيـ يـرـىـ حـوـلـ الحـمـيـ يـوـشكـ انـ يـرـتـعـ فـيـهـ - [00:26:54](#)

ايـهـ بـقـىـ الـكـلـامـ دـهـ اـحـنـاـ بـقـىـ النـاسـ الغـلـابـةـ اللـيـ زـيـهـ زـيـهـ حـضـرـتـكـ دـلـوقـتـيـ. دـهـ اللـيـ يـهـمـنـاـ النـاسـ الغـلـابـةـ اللـيـ زـيـهـ زـيـهـ كـدـهـ آـآـ اـعـمـلـ اـيـهـ
دلـوقـتـيـ يـعـنـيـ حـلـالـ بـيـنـ طـبـعـاـ حـلـالـ بـيـنـ الـحـالـ - [00:27:18](#)

حرـامـ بـيـنـ هـجـتـبـ الحـرـامـ. خـلاـصـ ؟ هـعـمـلـ حـاجـةـ مـشـ لـازـمـ مـشـ لـازـمـ اـعـمـلـ الـحـلـالـ يـعـنـيـ. يـعـنـيـ حـلـالـ بـيـهـ اللـيـ عـاـوـزـ اـعـمـلـهـ هـعـمـلـهـ يـعـنـيـ.
خـلاـصـ لـاـنـ الـحـالـلـ بـقـىـ هـنـدـخـلـ فـيـ تـفـاصـيـلـهـ شـوـيـهـ هـتـلـاقـيـ مـبـاحـ وـمـسـتـحـبـ وـوـاجـبـ - [00:27:38](#)

قصـةـ تـانـيـةـ لـكـنـ حـرـامـ هـاشـتـبـ خـلاـصـ اـجـتـبـ الـحـرـامـ وـقـعـ الـمـشـبـهـاتـ. حـاجـةـ بـقـىـ وـقـعـ فـيـهاـ خـلـافـ. اـنـاـ مـشـ عـارـفـ حـكـمـهـ حاجـاتـ زـيـ
كـدـهـ. اـنـاـ اـعـمـلـ ايـهـ النـبـيـ بـيـقـولـ لـكـ عـلـيـهـ الصـلـاـةـ وـالـسـلـامـ مـنـ اـنـقـيـ الشـبـهـاتـ فـقـدـ اـسـتـبـرـأـ لـدـيـنـهـ وـعـرـضـهـ - [00:27:48](#)

فـرـيقـيـنـ يـتـقـيـ الشـبـهـاتـ وـالـلـهـ آـآـ شـبـهـةـ يـعـنـيـ ايـهـ ؟ يـعـنـيـ لـقـيـتـ فـيـهاـ كـلـامـ كـتـيرـ وـخـلـافـ كـتـيرـ فـيـ المـسـأـلـةـ لـوـ خـرـجـتـ بـرـةـ خـلـافـ
جمـيلـ جـداـ. وـدـهـ اللـيـ النـبـيـ عـلـيـهـ الصـلـاـةـ وـالـسـلـامـ بـيـقـولـ فـيـ الـحـدـيـثـ. طـبـ اـنـاـ لـاـ يـعـنـيـ ايـهـ الـاـوـلـ خـرـجـتـ بـرـةـ خـلـافـ ؟ يـعـنـيـ آـآـ الحاجـةـ
الـفـلـانـيـةـ نـاسـ بـتـقـولـ حـلـالـ وـنـاسـ بـتـقـولـ حـرـامـ وـخـلـافـ كـبـيرـ - [00:28:06](#)

وـشـاـيفـ الـعـلـمـاءـ مـخـلـقـيـنـ وـشـاـيفـ فـاـنـاـ هـتـجـنـبـهاـ اـنـقـاءـ لـلـشـبـهـةـ يـاـ سـلـامـ هوـ دـهـ الـحـدـيـثـ وـلـكـنـ شـيـخـ الـاسـلـامـ لـهـ كـلـمـةـ جـمـيـلـةـ وـيـقـولـ الـخـرـوجـ
مـنـ الـخـلـافـ اـحـمـدـ مـنـ الـوـقـوعـ فـيـهـ. شـوـفـوـاـ يـاـ جـمـاعـةـ فـرـقـوـاـ بـيـنـ الـمـسـائـلـ - [00:28:31](#)

شـوـفـوـاـ الـعـلـمـاءـ يـشـوـفـوـاـ وـقـوـعـ الـخـلـافـ فـيـ الـاـمـ رـحـمـةـ مـتـخـيـلـيـنـ ؟ يـعـنـيـ انـ رـبـنـاـ يـقـضـيـ بـوـجـودـ الـخـلـافـ فـيـ الـفـروـعـ فـيـ مـسـائـلـ الـفـروـعـ فـيـ
الـفـقـهـ رـحـمـةـ لـلـاـمـةـ وـبـعـدـيـنـ يـجـوـواـ يـوـجـهـوـاـ خـطـابـ تـانـيـ لـكـ اـنـتـ. يـبـقـىـ مـنـ حـيـثـ قـضـاءـ الـرـبـ بـهـ وـمـنـ حـيـثـ اـخـتـلـافـ الـعـلـمـاءـ. شـوـفـوـاـ دـوـلـ
كـلـهـ نـاسـ غـيـرـنـاـ. يـعـنـيـ فـيـ رـبـ قـضـاهـ - [00:28:49](#)

وـقـدـرهـ فـيـ الـاـمـةـ. وـفـيـ عـلـمـاءـ كـانـوـ اـطـرـافـ اـهـ قـالـ ايـهـ مـشـ عـاـوـزـ اـقـولـ الـصـرـاعـ لـكـ اـطـرـافـ الـاـيـهـ ؟ الـاـخـذـ وـالـرـدـ يـعـنـيـ فـيـ مـسـائـلـ الـخـلـافـ
دـيـ وـفـيـ نـاسـ طـبـيـبـيـنـ كـدـهـ عـلـىـ قـدـ حـالـهـمـ زـيـيـ وـزـيـكـ - [00:29:11](#)

واـضـحـ الـخـلـافـ دـهـ رـحـمـةـ لـنـاـ كـلـنـاـ. لـيـهـ عـلـمـاءـ رـحـمـةـ وـلـنـاـ رـحـمـةـ وـكـلـ حـاجـةـ خـطـابـ اللـيـ هـيـوـجـهـ لـلـعـلـمـاءـ يـاـ عـلـمـاءـ اـجـتـهـدـوـاـ اـنـتـمـ تـوـصـلـوـاـ
لـحـكـمـ الـمـسـأـلـةـ. بـلـاـشـ حـدـ يـرـهـبـكـ. بـلـاـشـ تـقـعـوـاـ فـيـ الـاـرـهـابـ اللـيـ بـيـحـصـلـ - [00:29:27](#)

طـلـعـ حـكـمـ بـقـوـاعـدـكـ وـضـوـابـطـكـ وـانتـ طـلـعـ حـكـمـ بـقـوـاعـدـكـ وـضـوـابـطـكـ بـغـيـرـ ايـهـ تـأـسـرـ بـالـاـرـهـابـ الـاـعـلـامـيـ اللـيـ بـيـحـصـلـ فـيـ الـاـخـرـ طـلـعـ
انتـ بـحـكـمـ هوـ بـحـكـمـ مـخـتـلـفـ. ماـ تـزـعـلـوـشـ وـاـخـتـلـافـكـ رـحـمـةـ لـلـاـمـةـ طـيـبـ - [00:29:43](#)

الـخـطـابـ اللـيـ بـيـوـجـهـ لـاـمـثـالـاـنـاـ اـحـنـاـ اـنـسـ الطـيـبـةـ اللـيـ وـصـلـ لـهـ الـصـرـاعـاتـ دـيـ هـيـوـجـهـ لـيـ خـطـابـ يـاـ اـبـنـيـ لوـ اـنـتـ تـقـدرـ تـجـنـبـ مـسـائـلـ
الـخـلـافـ دـيـ تـجـنـبـهاـ. وـقـدـ اـسـتـبـرـأـتـ بـدـيـنـكـ وـعـرـضـكـ. فـيـ بـعـضـ الـاـوـقـاتـ وـبـعـضـ النـاسـ وـبـعـضـ الـاـمـاـكـنـ وـبـعـضـ الـاـحـوـالـ وـبـعـضـ الـمـوـاـقـفـ - [00:30:02](#)

الـخـاصـةـ لـاـ وـاحـدـ مـزـنـوـقـ. هـوـ اـنـاـ لـوـ مـاـ عـمـلـتـشـ بـدـهـ اـنـاـ هـاـقـعـ فـيـ مـشـقـةـ شـدـيـدـةـ. وـالـعـالـمـ اـفـتـانـيـ اـعـمـلـ بـقـولـ الـعـيـنـ الدـنـيـاـ سـهـلـةـ الدـنـيـاـ اـسـهـلـةـ
يـاـ جـمـاعـةـ مـنـ التـعـقـيـدـاتـ اللـيـ اـحـنـاـ بـنـخـلـقـهـاـ لـاـنـفـسـنـاـ اوـ اوـ رـبـيـنـاـ عـلـيـهـاـ فـيـعـنـيـ ايـهـ ؟ فـبـنـرـبـيـ النـاسـ كـمـانـ عـلـيـهـ - [00:30:23](#)

الـدـنـيـاـ اـسـهـلـهـ مـنـ كـدـهـ بـكـتـيرـ. وـالـدـيـنـ اـيـسـرـ مـنـ ذـلـكـ طـيـبـ لـاـنـاـ اـنـاـ هـسـتـبـرـأـ دـهـ هـوـ دـهـ الـحـدـيـثـ اـنـاـ لـيـعـنـيـ عـرـفـتـ اـنـ فـيـهـ
حـلـالـ وـلـاـ حـرـامـ لـاـ فـيـهاـ خـلـافـ وـبـتـاعـ اـنـاـ مـشـ هـعـمـلـهـ - [00:30:45](#)

شـيـخـ الـاسـلـامـ بـيـقـولـ لـكـ هـنـاـ اـيـهـ ؟ خـرـوجـ مـنـ الـخـلـافـ اـحـمـدـ مـنـ الـوـقـوعـ فـيـهـ. اـحـسـنـ تـخـرـجـ مـنـ
الـحـجـابـ مـنـ الـحـاجـاتـ الـجـمـيـلـةـ جـداـ اللـيـ الـحـقـيـقـةـ - [00:30:57](#)

اـهـ يـعـنـيـ بـرـضـوـ يـعـنـيـ النـاسـ اللـيـ مـعـيـ مـنـ زـمـانـ عـارـفـيـنـ اـنـاـ اـيـهـ مـهـتمـ شـوـيـهـ بـالـلـيـلـ. يـعـنـيـ عـلـىـ قـدـيـ بالـفـقـهـ يـعـنـيـ فـمـنـ مـنـ الـمـوـاـطـنـ اللـيـ

بتأثير في جدا وانا بقرأ الفقه ودائما يا جماعة علم الفقه - 00:31:12

الناس بتفتكرروا علمي جامد يعني ايه قالوا حلال وحرام ومكرهه وبتاع وادلة وردود تحس انه كده علم داخل انت داخل حرب يعني لكن الحقيقة بتتعدي بايه لقطات كده في كتب الفقه - 00:31:25

تلقيها كده بتهز قلبك دي حقيقة يعني بتريبيك من جوة كده بمعاني يعني منها يعني في كتب الفقه تلقي كده ساعات تعدي عندنا مسلا عند الحنابلة مسلا فاول شعرها ممكن تفتح كتاب الفقه في اول كتاب اول في باب المياه - 00:31:38
اول حاجة يكرهوا صنف من اصناف البيئة مش مهم دلوقتي الدخول في تفاصيل طب ليه بتقولوا عليه مكرهه يا حنابلة؟ مع ان هم عندهم مش شاييفين له دليل يرقى لكراهته - 00:31:58

خليل بالكم طب ليه يا حنبلة بتقولوا عليه مكرهه! ده انت ما عندكوش الدليل اللي يرقى للقول بالكراهة قالوا يكره خروجا من الخلاف
ياه والله يا جماعة الكلمة دي وانا يعني اتذكر ان كل ما كنت آآ اشرح الفقه لاي يعني آآ - 00:32:13
لاي حد او يعني للطلاب كنت لازم اقف على الكلمة دي وممكن تاخذ مني يعني الوقت الدرس كله وازاي العلماء الراسخين دول بقى
شوفوا ادبهم في وجود مش آآ احنا بنقول كذا والشافعية ما لهمش دليل - 00:32:33

ما فيش كده يا جماعة الناس دي ما عندهاش كده هيقول لك الماء ده مكرهه. ليه يا حنابلة؟ خرج من الخلاف هيكرهونا خلاص؟ طبعا
مش بقول كده في كل المسائل لأن الخلاف عندهم رتب وقصة كبيرة مش قضيتنا دلوقتي - 00:32:50
طيب الخروج من خلاف احمد من الواقع فيه. فمن اتقى الشبهات فقد استبرأ لدينه. النبي قال كده عليه الصلاة والسلام ما قالش كده
قال فمن اتقى الشبهات فقد استبرأ لدينه - 00:33:08

وعرضه ايه ده؟ ايه اللي دخل العرض دلوقتي في الموضوع اهمية الاستبراء للعرض اصلا. يعني ايه استبرأ يا جماعة ان طلب البراءة
يعني لا تقى شبهات مش هيقع في الشبهات هي عمل حاجتين ب ked - 00:33:20
طلب البراءة لدينه وطلب البراءة لعرضه طلب البراءة للدين واضح اني لما اعرف المسألة دي فيها شبهة فهسيبها. فاكيد اكيد انت في
الايه؟ في الامان من حيث الدين طب والعرض - 00:33:35

لان مش كل الناس يا جماعة خلي بالك شبهات الحاجات المشتبهه دي ايه؟ ان انت بتقول عليها حلال او انت وغيرك بيقولوا عليها
حرام فخلي بالك اللي بيقول عليها حرام ده لما يشوفك - 00:33:52
هيشوفك واقع في الايه وقف الحرام فهمتم دي هيشوفك او اوقات يشوفك هو المفروض على فكرة ما يشوفكش كده من المواقف
الجميلة كان واحد من الاحناف انا مش فاكر اسمه دلوقتي لكن كان على عهد الامام احمد والاحناف يرون - 00:34:05
آآ يعني انه لا بأس بالنبيذ خلافا للجمهور يرون حرمة النبيذ. وده كان حنفي وكان فقيه كبير وكان صاحب دين راجل راجل فقيه
المهم بقى قاعد في بيته وقدامه ازاذه النبيذ - 00:34:21

فالباب خبط. من على الباب احمد ابن الحنبل. يا نهار احمد الامام الجبل واقف على الباب بيستأذن على الفقيه ده الحنفي فالغلام اول
ما سمع كده راح جاري على ازاذه النبيذ بيشيلها - 00:34:40

احمد حمدي هيخش دلوقتي الفقير الحنفي ده قال مه ائتيوني بالثانية هات لي ازاذه تانية حطها جنب دي ده بيعامل ربنا ده بيعامل
ربنا ده عمله مع احمد خلي بالك انا وده اللي انا عاوز اقوله. ممكن ما يعملوش بقى مع حد صغير. تخيل - 00:34:53
لاني احمد فاهم فاهم رتبة وفاهم ان ده واحد بالقول الفوق وفاهم ان ده لا يقدح في دين ده. وانا لو شربت دي يقدح في ديني.
شوفوا يا جماعة اهي نفس ازاذه ابن ابيز محظوظة. هو لو مد ايده وشرب - 00:35:14

لا يقدح في دينه. وانا لو مديت ايدي وشربت يقدح في ديني ليه؟ لاني انا واحد بقول ان ده حرام. وهو واحد بقول ان ده حلال لو
بصينا لها من المنظور ده هنلاقي الدنيا واسعة - 00:35:27

صح يبقى في بعض الناس تفهم ده. تفهم مراتب الخلافة. بس مش كل الناس معظم الناس مش كده يعني كأنني بهذا الفقيه الحنفي لو
واحد تاني من صغاري الطلاب خبط عليه الطلاب الحنابلة مسلا كان اه ممكن يخبي الازاذه - 00:35:43

لكن مع احمد لأحمد فاهم ده واحد كان يعظم هذا الفقيه جدا وانا بشوف لكم القصة اهو ممكن احطها لكم في التليجرام ان شاء الله لو افتقربت يعني آآه يا هي آآه يا هي طبقات الحنابلة وهشوفها لكم يعني ان شاء الله واحطها لكم - 00:35:57

طيب انت كيف تستمري لعرضك؟ طب وده مطلوب في الدين؟ اه مطلوب في الدين. انك تستبرى لعرضك. شف حديث النبي عليه الصلاة والسلام. من كان يؤمن بالله واليوم الآخر - 00:36:13

فلا يقف مواقف التهم ما تفتش في حنة اللي يشوفك فيها او في موقف اللي يشوفك فيه يتهكم وحديس تاني جميل قوي وفيه مراعاة للحنة دي باشارة لطيفة كده اللي هي وان كان ما هو اش حاجة حرام لكن حاجة حتى يعني يستحبى من مسلم - 00:36:27

النبي صلى الله عليه وسلم لما قال اذا احدث احدكم في الصلاة فليأخذ بانفه ثم لينصرف علشان الناس ما تقولش انه احدث يعني يعني واحد احدث وهو في الصلاة يروح عامل كده على طول اكنه ايه يعني خرج من الصلاة عشان ايه عنده اي حاجة يعني عاوز عنده رعاف عنده اي حاجة - 00:36:46

فياخد كده ايه يعمل كده على انفه ويمشي علشان الناس ما تقولش انه احدث يعني. ويمكن ده ما هو اش حاجة حرام لكن حاجة مما يستحبى منه. فالنبي ازاى يراعي ده - 00:37:03

الامام علي رضي الله عنه يقول برضو كلام جميل قوي قال ركزوا يا جماعة. يقول اياك وما يسبق الى القلوب انكاره وان كان عندك اعتذار رب سامع نكرا لا تستطيع ان تبلغه عذرا - 00:37:13

كلام جميل قوي للامام علي ومتقن اياك وما اه يسبق الى القلوب انكارا. يعني اول ما الناس هتشوفك حاجة هتقول ايه ده؟ وان كان عندك اعتزاره يعني حتى لو انت عندك - 00:37:31

يا جماعة لأ اهدوا ده انا عملت كده عشان كده بلاش. ما تجيشه للحنة دي. ليه؟ استبرى لعرضك رب سميم نكرة لا تستطيع ان تبلغه عذرك. ابن عقيل الحنفي يقول لا ينبغي الخروج من عادات الناس - 00:37:45

الناس كلها متعودة تعمل حاجة معينة طالما ما هياش حرام. ما تخرجش انت عن عادة الناس وتعمل لي فيها المش عارف ايه يعني مهما استطعت ان انت توافق الناس في عاداتهم طالما في حنة في حنة واسعة في الدين خليك زي الناس - 00:38:01

لا ينبغي الخروج من عادات الناس. الامام الاوزاعي يقول كنا نمازح ونضحك كنا بنهرج ونضحك وكده فلما صرنا يقتدى بنا خشيت الا يسعنا التبسم. وده ما في حق يا جماعة المتتصرين للدعوة - 00:38:17

طلاب العلم يعني ما ينفعش نرى منهم ابتزال شديد جدا يجرأ الناس على رتبة طلاب العلم او رتبة الدعاة او رتبة العلماء. لا يصون ما يحمله طب انت مش بتتصون نفسك وعرضك بس انت بتتصون العلم كمان - 00:38:32

اللي بيعمل فالابتزال الشديد قوي اللي هو يعني يخرجك عن حد الحشمة والاحترام الى ضده ده مش مطلوب ده مش مطلوب خلاص؟ وان كان حتى بقى نية حسنة وان ده لو عشان اجيب وعشان الناس تسمعني وعشان اعمل ده في في الحدود يعني مش بنقول برضه ايه الناس تبقى لا لكن في حدود انك ما توصلش - 00:38:54

حد انك تبقى مبتذر بقى يعني مش عاوز اقول كلام غير كده بس يعني ايه ازن مفهوم. ابن الجوزي بيلخص الكلام ده. يقول واذا رأى العوام احد العلماء متخصصا في امر مباح - 00:39:16

هان عندهم وبعد شوية يقول ايه تاني؟ فمراعاة الناس لا ينبغي ان تنكر ما يجيشه حد ينكر عليه ان احنا بنراعي الناس وبنراعي احوال قلوبهم. فمراعاة الناس لا ينبغي ان تنكر. فلا نسمع من جاهل يرى مثل هذا رباء انما - 00:39:29

فهذه صيانة للعلم واضح كلامنا الجوزي طيب اه نرجع تاني بقى الشبهات فما نتقى الشبهات فقد استبراً بدينه وعرضه. واستبراً العرض قلنا والنبي عليه الصلاة والسلام يا جماعة كان يستبرى لعرضه - 00:39:48

وهو المنزه المشرف اللي ما حدش يظن به السوء لما اتنين من الصحابة مروا عدوا عليه وكان واقف مع صفية بالليل فاول ما شافوه واقف هم طبعا شايفين ايه يعني شبح شبح اللي هو يعني ايه شبح امرأة والنبي صلى الله عليه وسلم واقف. يعني مش عارفين مين دي بقى. مدوا - 00:40:04

وقال على رسلكما انها صفة ايه ده! هو ايه اللي النبي عمله عليه الصلاة والسلام؟ النبي يستبرئ من موقف التهمة يستبرئ لعرضه على رسلكما انها صافية. فقالوا سبحان الله لأنهم ينزعون النبي عليه الصلاة والسلام يعني احنا هنشك فيك يعني - 00:40:23

وقال سبحان الله وقال ان الشيطان يجري من ابن ادم مجرى الدم فخشيت ان يقذف في قلوبكم شيئاً فتهلكا يبقى ده يا جماعة اهو نرج يستبرئ لعرضه نرجع تاني هنلتقي الشبهات فقد استقرأ لدینه - 00:40:44

وعرضي ومن وقع في الشبهات وقع في الحرام كراهية حول الحمى يوشك ان يرتع فيه ايه قصة حما ومرتع وايه الكلام ده عارفين يا جماعة زمان ولغاية دلوقتني - 00:41:01

واحد معه شوية غنم. فعاوز يرعى الغنم. يعمل ايه يروح يشوف ارض كده فيها شوية زرع ويوقف الغنم ويأكله. قلق مباح قلق مباح يعني ايه ما لو ش صاحب كده. طيب - 00:41:16

فزمان بقى كان الملوك يبيجوا كده على حنة ويخلوها حمى لهم. لهم دي بقى حلال ولا حرام مش قضيتنا. لكن اه حمى ممكن يبقى الحمى لنفسه او حمى للمسلمين يعني لمصالح - 00:41:28

المسلمين يعني الزرع اللي بيخرج واحنا بنعمل به حاجات تانية وكده لكن دي مش قضيتنا دلوقتني الحمى ده متخيلين كده الملك لاما يجي يعمل حما على حنة هتبقى حنة خصبة - 00:41:40

ولا حنة اي كلام؟ ها اكيد يعني حنة فرز اول. صح. من اخصب الاماكن. جميل. هو الاماكن الخصبة دي فحادة بينقطع الخصم يعني. لو خطينا خط كده فاللي جوة ده خصب وارض منتجة. بعد الخط بقت ارض مجدهبة ولا الخصوبة بتقل كده تدريجياً - 00:41:49

اكيد ده اللي بيحصل مش كده يعني ما عندناش يعني جه الملك عمل ايه حمة على الحنة دي كده عمل سلك شائك او او خط حدود على الحنة دي. ليه؟ اكيد اكيد لما خطها دي كانت حنة - 00:42:15

وحنة مميزة يعني فبرا الحدود دي على طول حنة يعني ضايعة لا الخصوبة بتقل يعني ما لغاية ما تبقى ايه بعد كتير او اي ما حنة ما بتنتجش اصلاً جميل طب صاحبنا بقى بتاع الغنم ده. عاوز يرعى الغنم - 00:42:25

يقوم يجي يعمل ايه ما يقدرش يدخل حمى الملك طبعاً. ده لو دخل حمى الملك هتتقطع رقبته واضح؟ لكن يروح عامل ايه؟ بيجي جنب الحمى بقى في الحنة اللي هي ايه؟ اللي يعني نايلها من خصوبة الحمى يعني - 00:42:40

ويروح سايب الغنم الراعي يرعى حول الحمى طيب هو الغنم ده لما تسيبه آآ الغنم فاهم ان الحنة دي ارعى فيها والحنطة دي ما ترعاش. شوية هيعلم ايه الغنم هيخش في الحمى صح؟ - 00:42:55

يبقى كالراء يرعى حول الحمى يوشك ان يرتع فيه شوية الغنم وهيخش فهمتم الصورة يا جماعة كده؟ طيب فالنبي عائز يقول ايه بقى؟ شوفوا يا جماعة من رحمة ربنا به. والله يا جماعة دي رحمة - 00:43:14

عشان تفهموا الحال في ديننا كتير والحرام هو الاقل. وعشان كده دايماً بتنص على الحرام. عارفين لو الحال اللي قال كنا كلنا كذا وكذا حلوا الباقى حرام. لكن انت بتلاقي العكس. يعني بتلاقي نقول لك ايه - 00:43:30

الخمر حرام والنبي ده زي ما قلنا من شوية على من يراه حرام. مسلا ده معناه ايه؟ لما نقدر نعد الحرام ان الحال اكتر صح؟ والا لو قلت لك قل لي كده - 00:43:45

خليني احكى السؤال انا بسألك انت دلوقتني او انت ايه الاكل الحال؟ وايه الشرب الحال هتلاقي نفسك عجزت انك تقول عشان تقول هتقول ايه؟ كله الا واحد اتنين ثلاثة صح؟ رجعنا تاني انك تعد الحرام. فالحرام اقل - 00:43:59

في الزواج في المناجح. هنقول لك اتجوز اللي انت عاوزها الا اصناف انا اقول لك بلاش اختك بلاش عمتك بلاش خالتك بقى صح كده انما غير كده اتجوز اه فده يدل على ان برضو الحرام اقل في المنحة وهكذا. طيب - 00:44:15

عندنا دائرة بقى الحرامي عندنا نوعين كبار وصغار. عندنا دائرة اللي هي اللي اقل قوي اسمها الكبار. يقوم ربنا من رحمته بنا يخلி حواليه دائرة الكبار دي دائرة اكبر شوية يسميها دائرة الصغار - 00:44:39

خلي بالك انت عشان توصل للكبيرة هتقتحم الصغيرة الاول طيب ودائرة اوسع هيسميها دائرة المكروهات يعني عشان توصل

للسفيرة دي فتوصل للكبيرة. ده انت لازم تعدي على دائرة المكروهات ودائرة اوسع يسمىها خلاف الاولى - 00:44:52

هي المسرحية ما هياش مكروه لكن خليف الاول لو ما كنتش عملتها كان يبقى احسن وبرة بقى الحال بتاعك اللي انت عيش فيه
براحتك لكن بيقول لك ايه بلاش تقرب لخلاف الاولى - 00:45:10

طب افرض قربت فوقعت. اه لستة عندك دائرة اسمها المكروهات حتى دلوقتني فيها ما هياش حرام. طب قربت ووقيت وعندي دائرة
اسمها الصغارى لو ووقيت فيها تأثم لكن اتم بسيط - 00:45:21

وبعدين قربت ووقيت بقى انت خلاص انت رايج في داهية انت اللي رايج برجلك فده من رحمة ربنا بنا سبحانه وتعالى هو ده
الحمى ربنا عمال يحمى شاييفين فما تجيشه انت بقى - 00:45:32

قادع لي على الحدود لأ بعد ابعد علشان انت لو ووقيت على الحدود شوية وهحصل ايه هتقع هتدخل حول الحمى يوشك ان يرتع
فيه واحدنا يا جماعة قلوبنا دي شوية اغنم كده فيعني غمنة اسمها الحسد. وغمنة اسمها شهوة النساء. وغمنة اسمها حب الزهور.
وغمنة - 00:45:45

جوانا غنم كده فانت ابعد علشان انت لو على الحدود الغنم اللي جواك ده هيخش الغنم اللي واقف هيخش طيب ومن وقع في
الشواة وقع في الحرام يعني ايه؟ نرجع تاني - 00:46:09

ونقف شوية وقع في الحرام جراء يرى حول الحمى يوشك ان يرتع فيه يعني ايه من وقع شوية تقع في الحرام؟ معنى ابن اتنين اول
معمل يا اما يكون في من وقع في شوية تقع في الحرام يعني اللي هي عمل الشبهات دي. الشبهة دي يا جماعة في نفسها الحق في
نفسه اما تكون حلال اما - 00:46:29

فاللي هيقدر كل ما يشوف شبهة عادي يعملها ولا فارق. اكيد في مرة هي عمل الحرام. ما هي مش دايماً الشوهة هتبقى حلال يعني ده
معنى وده مش عايزين نقف عليه كتير. لكن المعنى الثاني هو المهم قوي - 00:46:51

الموقف شوية تقع في الحرام يعني ايه؟ يعني يا جماعة اللي هي تجرأ دلوقتني انه يقع في الشبهات شوية وهي تجرأ عادي على الحرام
اللي هو شاييفه حرام فهمتوا دي من وقع في الشواهد وقع في الحرام يعني اللي هي عمل الشبهة دلوقتني وهو عارف انها شبهة -
00:47:03

شوية هي عمل حرام اللي هو عارف انه حرام هم كان الاول ما بيعملوش طب ده بنسميه ايه؟ التدرج التدرج في آية مرعبة في القرآن
ربنا قال ايه عن بنى اسرائيل - 00:47:19

ذلك بانهم كانوا يكفرون بآيات الله ويقتلون النبيين بغير الحق. ذلك بما عصوا وكانوا يعتقدون ايه المرعب ذلك بانهم كانوا يكفرون
بآيات الله ويقتلون النبيين بغير الحق. ذلك عملوا دول بما عصوا وكانوا يعتقدون. يعني اقول يا جماعة هم ما جاش في دماغتهم ان
ممکن يوصلوا - 00:47:33

اللي هم بنوا اسرائيل ان هم يقتلوا انبياء ولا ان هم يكفروا بالله لكن الاول وقعوا في العصيان واعتدوا. فلما عصوا واعتدوا المعصية
ويسرتهم لفين وعشان كده بنقول المعاصي بزيد الكفر - 00:47:52

خلي بالك ما تجيشه تقول ايه؟ دي حاجة بسيطة. البسيطة هتجرك للكبير النبي عليه الصلاة والسلام قال حديث عجيب اوبي. قال
لعن الله السارق يسرق البيض فتقطع يده ويسرق الحبل فتقطع يده - 00:48:07

انا مش فاهم عارفين يا جماعة اي واحد هيسرق هتقطع ايده لأ ده لازم يسرق حاجة معينة تبلغ نصاب القطع نصاب ان يقام عليه
الحد النصاب ده مش بيضة ولا تمن حبل - 00:48:21

مب الدنيا يعني مش اي واحد يسرق بيضة هنقول له تعالى نقطع ايدك. ولا واحد سرق حبل حقير هنقول تعال نقطع ايدك على احد
الوجهين في تفسير الحديث يعني طب امال ايه سرق البيضة ازاي سرق البيضة؟ فاتقطعت ايده. واذا سرق الحبل اذا كان ده ما هو
ما يبلغش النصاب. ازاي يعني - 00:48:37

قالوا لعن الله السارق يسرق البيضة فلما يسرق البيضة تجسر نفسه ان يسرق ما فوق البيضة حتى يبلغ نصاب القطع فتقطع

يده ويسرق الحبل. فلما سرق الحبل اللي هو الشيء الحقير - 00:48:53

تجاسرت نفسه فسرق ما هو اعظم من الحبل حتى بلغ نصاب الحد فقطعت يده وكان مبدأه ايه؟ انه سرق بيضة وسرق حبل كانوا يكفرون بآيات الله ويقتلون نبينا بغير الحق. ذلك بما عصوا وكانوا يعتقدون - 00:49:10

فمن وقع في سواد وقع في الحرام الراية راحة الى الحمى يوشك ان يرتع فيه. الا وان لكل ملك حمى. الا وان حمى الله محارمه ما تقربيش من محارم ربنا سبحانه وتعالى. خلي دايما في فيصل. ما تخشن في المكروره وتقول ده مكروره - 00:49:28

ما تسيب الشفاعة والسنن وتقول ما هي عادي زي الناس ليه؟ لأن دي حاجز بينك وبين انك تترك الفرض تعالىوا كده يا جماعة واحد بيصللي الفروض والسنن عمره ما هيسب الفرض مرة واحدة - 00:49:46

صح ولا لأ؟ لأن ده الاول تهاون في السنن. فخلي بالك انتبه للمعنى ده. ربنا لما خلى مكرورهات مش عشان يخنقك عشان يحميك من نفسك ربنا لما خلى فيه مستحبات مش عشان يضيق عليك لأ - 00:50:00

ده عشان يحميك من نفسك انك تسيب الفرض فهمتوا دي فاواعي تقع في المكروره اواعي تسيب المستحب اواعي تقع في المشتبهات وتجاسر عليها. سواء انت تحتاج لها هتقع في حرج لو ما عملتهاش او لا. فتقول خلاص طالما فيها خلاف انا اعمل - 00:50:13

اواعي تعمل كده ومن وقع في الشبهات وقع في الحرام فخلي بالك من دي الا وان لكل ملك حمى. الا وان حمى الله محارم. وبعدين يختم النبي صلى الله عليه وسلم الحديث بحملة يعني دي بقى درس لوحده. الا ان في الجسد مضافة اذا صلحت صلح الجسد كله - 00:50:33

اذا فسدت فسد الجسد كله الا وهي القلب ايه علاقة ده باول الحديث ودي اخر حاجة في دققيقة وبعد كده هتشوف لو في اسئلة نجاويها ان شاء الله انه يا جماعة ان الحال بين وان الحرام بين وبينه امور مشتبهات. فمن ارتفع الشبهات. ومن وقع في الشبهات. كل ده - 00:50:50

بقلبك ده العلاقة يعني ايه؟ يعني عاوز يقول لنا ايه؟ عاوز يقول لنا عشان تعمل الحال وتسبيب الحرام وتنقي الشبهات اهتم بقلبك نصف قلبك لأن بقلبك هتحب الحال وتهتكر الحرام وتهتني الشبهات - 00:51:10

قال ان في الجسد مضى اذا صلحت صلح الجسد كله. واذا فسدت فسد الجسد كله الا وهي القلب. فاهتم بقلبك. ازاي اهتم بقلبي بقى؟ ده قصة كبيرة ممكن تاخذ لنا مرتين ولا حاجة - 00:51:32

لكن دي كانت قاعدة النهاردة. خلاص؟ اللي هي ايه؟ انك في طريقك الى الله عز وجل انتقي الشبهات. دي قاعدة. قاعدة قاعدة تانية بس ما اتكلمواش عليها اللي هو ايه - 00:51:44

الا ان في الجسد مضغ. اذا صلحت صلح الجسد كله الا وهي القلب. دي قاعدة برضو في طريقك الى الله. ان الطريق الى الله تقطع بالقلوب لا بالابدان - 00:51:58

القاعدة لكن قاعدتنا بتاعة النهاردة انك في طريقك الى الله عز وجل لابد انك تنقي الشبهات شوف بقى لو في اي اسئلة ماشي آآ النفس امارة بالسوء اه طبعا ده انواع يعني ممكن ابقى اتكلم عليها ده درس لوحده. اول ما يحاسب عليه الانسان هل هي النفس؟ مش فاهم السؤال قوي. انما الانسان - 00:52:08

هيحاسب على كل حاجة يعني ماشي؟ آآ اول ما يحاسب عليه جه في بعض الروايات ان هي الصلاة. او اللي يحاسب عليه المرء الصلاة اذا صلح صلح سائر العمل اذا فسدت فسد سائر العمل - 00:52:38

اه هل يجوز اتباع الحنابلة في بعض الامور والشافعي اه عشان اختفى والشافعي آآ في امور اخرى هتتبعها بايه؟ يعني انت هتفتح الكتب وتشوف الحنابلة قالوا ايه وهتبיעهم في دي؟ يعني انا هقدر اختار - 00:52:51

ولا ايه؟ لأن الصورة دي لأ. يعني لو انا هافتتح الكتب لوحدي. واقعد اقول اه الحنابلة هلوس دي حلال فخدتها والشافعية قالوا في الثانية دي حلال فخدتها من الشافعية لأن غلط - 00:53:08

اما ايه ازاي؟ اني بسأل عالم بس تفتيه. فالعالم ده آآ اما يكون هو متبع لمذهب. هو حنبلي او شفاعة بيفتني بالذهب اوه بلغ رتبة

انه انه ينظر في فيما قاله الله او قاله رسول الله صلى الله عليه وسلم فيرجح وكذا بيعمل ده او ينظر في - [00:53:17](#)

دي بقى حاجة تانية بس دي في اداب المفتري يعني انه ممكن المفتري يترك القول الراجح عنده وييفتي بقول مرجوح لكن قاله بعض آا العلماء رعاية لحال المستفتري ده برضو موجود بس دي مش بتاعتك يعني هو هيعمالك ايه ويفتيك ازاي دي مش بتاعتك انما انت بتسأل اللي تثق في علمه ودينه فيفتيك - [00:53:37](#)

فتعمل بایه ؟ بالفتوى اللي انت سمعتها انما انا مش لوحدي هدخل اقتحام الكتب واحد انا هقول بقى هاخد من دي من الحنابلة ودي من الشافعية ودي من الاحناف ودي من لأ - [00:53:57](#)

خلاص آا بالذات يا جماعة لو احنا لو اللي بيعمل ده بقى بيتابع بعض السلف قال ايه ؟ من تتبع رخص العلماء تزندق او كاد. يعني اما بقى زنديق يا اما شوية هيبيقي زنديق - [00:54:07](#)

ليه ؟ ما هو انت ما تاخد من ده اللي قال ان فيه حلال هتلاقى نفسك في دين كده ايه ملفق لم يقل به احد من الانئمة قط. يعني الصورة اللي انت فيها ما هياش صورة مسلم قالها حد من الانئمة - [00:54:19](#)

انت واحد من ده حل كزا ومن ده حل كزا. جمعت الشرورة كلها لو انا على مذهب واحد هل يجوز ان يكون لي اكتر من مذهب اتبع مذاهب الاباء - [00:54:29](#)

مش فاهم السؤال ده مذهب واحد خلاص بتتبع المذهب اللي انت عليه اللي بتدرسه وبتعمل به آا مش عارف ايه مذاهب الاباء دي مش عارف قل قولي هذا واستغفر الله العظيم لي ولكم. سبحانك الله ربنا وبحمدك. نشهد ان لا اله الا انت. نستغفر - [00:54:40](#)